

鳳書集

学院图书馆
章

鳳臺縣志目錄

序圖 修志姓氏 目錄 凡例

第一冊

卷之一

沿革 星野 疆域

第二冊

卷二之三

山川 城池 公署 倉廩 學校 壇壝 形勝

關隘 津梁 營汛 驛鋪 里甲 田賦 鹽法

土貢 物產 風俗 歲時 禮俗

第三冊

卷之四

封建

職官

名宦附

學職

武職

第四冊

卷五之六

宦蹟

選舉

鄉賢附

第五冊

卷七之八

武科

封廕

人物

第六冊

卷九之十

文苑

孝義

隱逸

僑徙

方技

仙釋

列女

上

第七冊

卷十一之十二

列女下廟祠 寺觀 古蹟 塚墓 紀事

第八冊 卷十三之十四

藝文一 文 藝文二 文

第九冊 卷十五之十六

藝文三 文 藝文四 文

第十冊 卷之十七

藝文五 詩

第十一冊 卷之十八

藝文六 詩

第十二冊 卷十九之二十

輯錄 雜志 後序

臺縣志卷之十三

藝文一

周

楚以趙兵止韓魏易地

樊餘

韓魏易地西周弗利樊餘謂楚王曰周必亡矣韓魏之易地韓得二縣魏亡二縣所以爲之者盡包二周多於二縣九鼎存焉且魏有南陽鄭地三川而包二周則楚方城之外危韓兼兩上黨以臨趙卽趙羊腸以上危故易成之日楚趙皆輕楚王恐因趙兵以止易

韓以高都與周

蘧代

雍氏之役韓徵甲與粟於周周君患之告蘧代蘧代曰何患焉代能爲君今韓不徵甲與粟於周又能爲君得高都周君大悅曰子苟能寡人請以國聽蘧代遂往見韓相國公仲曰公不聞楚計乎昭應謂楚王曰韓氏罷於兵倉空無以守城吾攻之以饑不過一月必拔之今圍雍氏三月不能拔是楚病也楚王始不信昭應之計矣今公乃甲與粟於周此告楚病也昭應聞此必勸楚王益兵攻之雍氏必拔公仲曰善然吾使者已行矣代曰公何

高都與周公仲怒曰吾無害甲與牙於周亦已多矣
與高都代曰與之高都則周必折而入於韓秦怒之
怒而焚周之節不通其使是公以敝高都得完周也何
與也公仲曰善不徵甲與粟於周而與高都楚卒不
氏而去

魏

爾彌勒像石壁記

闕名

維大魏孝昌二年歲次景午二月朔十八日

缺元素缺男

阿難妻

缺男山僧等比問良師與父母宜所眷念乞石像

像始得長壽山僧等前身薄福今日以後望得長命更莫

遣鬼神相侵長卽仰金剛密缺護持山僧長命保元年百

歲 右文義係爲子祈福語其題壁在碧落寺彌勒像

旁有唐武后萬歲通天年紀與此相類天地日月等字

遵后制據歐陽子集古錄以爲韓王元嘉子李譔爲母

太妃祈福所作而北魏乃先有此記考北魏書和平

耀僧請鑿石爲窟雕佛像五處一時郡縣效尤據

勒像自北魏已有之不始於韓王元嘉或者元嘉

葺磨崖爲碑歟

北齊

石法華像記

闕名

大齊河清二年歲次癸未五月甲午朔十

字缺一

日戊寅

阿故縣村合邑長幼等敬造石法華像一軀寶相嚴麗
此功福上爲皇帝齋僧七世父母因緣眷屬遍地四生咸
登正果

右碑見於陽阿故縣今在大陽鎮之南河菴碑高丈許
圍分四面上鐫陽紋佛像俗號千佛碑空處皆施王官
階男女姓名有官此土者如郡太守長史中正功曹及

秉兵長流叅軍等名有官外郡者有沛郡太守太學博士汝南廣陽清河令各等名書法雜兼篆隸奇古可愛日月等字并同唐武后所製書此以見北朝碑式之古與後不同且以見天地等十二字非自武后始造并可想當日佞佛之甚云

隋

石佛像記

胡叔和

大隋仁壽二年歲次壬戌十一月甲辰朔廿四日佛弟子胡叔和等

字缺六

伏以三人等命如懸絲餘此殘喘

拱還少無丹泡影飛星不過一瞬疾風驟雨難保終朝昧
已往之迷津尋現前之覺路將欲誠性悟空靜修來世各
發善念上偁聖容敬造三尊石像錦羅明耀寶珞莊嚴幻
出丈六金身雲拖皓月流入大千法界雨散空花一爲皇
帝求福壽介華封二爲黎庶祈年史稱大有像成之日上
皇帝陛下并及七世父母因緣眷屬俱登正道證果西天
右碑見北村興隆寺與東淑村開皇碑俱與北齊製同
載此以傳一代金石

石佛像記

闕名

蓋聞元果秘印大開甘露之門象教燃燈遍布黃金之地
瞿曇受性慈悲爲心本具宿緣非有外道西方應世精修
肇於雪山東土來賓慧業傳於法界樂國衍七寶之象淨
宮浴九龍之池所宜禮贍法軀普同供養今有高平郡丹
川縣清信士趙缺八字缺八仰爲皇帝敬造龍幢上鐫釋迦諸佛
光流寶珞氣滿旃檀功德之水常清來今之果不昧同登
彼岸無迷岐途庶幾永奠皇圖有桑盤之固長此惠我黔
首無妖沴之災開皇五年八月日記

唐

上李司徒澤潞用兵書

杜牧

伏覩明詔誅山東不受命者廟堂之上事在相公雖

之謀算畫已定而賤末之士芻蕘敢陳伏希赦其狂愚一
賜聽覽某太和二年爲校書郎曾詣淮西將軍董重質詰
其以三州之衆四歲不破之由重質自誇勇敢多算之外
復言其不破之由是徵兵太雜耳徧徵諸道兵士上不過
五千人下不至千人旣不能自成一軍事須帖附地主名
爲客軍每有戰陣客軍居前主人在後勢羸力弱心志不
一旣居前列多致敗亡如戰似勝則主人引救以爲已功

小不勝主人先退至有殲焉初戰二年以來單則必勝是多殺客軍及二年以後客軍單少止與陳許河陽全軍相搏縱使唐州軍不能因雪取城蔡州事力已不支矣其時朝廷若使鄂州壽州唐州祇令保境不用進戰俱用陳許鄭滑兩道全軍帖以宣潤弩手令其守隘卽不出一歲無蔡州矣今者上黨之叛復與淮西不同淮西爲寇僅五十歲破汴州襄州襄城盡得其財貨輸之懸瓠復敗韓全義於殷上多殺官軍四萬餘人輸輦財穀數月不盡是以其入味爲寇之腴見爲寇之利風俗益固氣焰已成自以爲

天下之兵莫我與敵父子相勉僅於兩世根深源濶取之
固難夫上黨則不然自安史南下不甚附隸建中之後每
奮忠義是以卿公抱真能窘田悅走朱滔常以孤窮苦寒
之軍橫折河朔強梁之衆貞元中節度使李長策卒中使
提詔授與本軍大將但軍士附者卽授之其時大將來希
皓爲衆所服中使將以手詔付之希皓言於衆曰此軍取
人合是希皓但作節度使不得若朝廷以一束草來希皓
亦必敬事中使言面奉進旨只令此軍取大將授與節鉞
朝廷不別除人希皓固辭押衙盧從史其位居四潛與監